



ACTA XUNTA DE GOBERNO
SESIÓN ORDINARIA DE CATORCE DE OUTUBRO DE DOUS MIL VINTE E DOUS
(ACTA NÚMERO 39)

Presidente:

D. José Tomé Roca

Sres/as. Deputados/as:

D^a. Tareixa Antía Ferreiro Tallón

D^a. M^a. del Pilar García Porto

D. Pablo Rivera Capón

D^a. Mayra García Bermúdez

D. Roberto Fernández Rico

D. Xosé María Arias Fernández

D. José Luis Raposo Magdalena

D^a. Mónica Freire Rancaño

Secretario:

D. José Antonio Mourelle Cillero

Interventora:

D^a. Rosa Abelleira Fernández

No Salón de Comisións do Pazo Provincial, sendo as once horas do día **catorce de outubro de dous mil vinte e dous**, baixo a Presidencia do titular do cargo, Ilmo. Sr. D. José Tomé Roca, reúnense as señoras e señores Deputados na marxe relacionados, co obxecto de celebrar, en primeira convocatoria, sesión ordinaria convocada para o efecto, para tratar os asuntos incluídos na Orde do Día regulamentariamente remitida, en virtude das facultades delegadas que lle confire á Xunta o artigo 59 do vixente Regulamento Orgánico desta Corporación.

Actúa de Secretario don José Antonio Mourelle Cillero, e asiste a Interventora dona Rosa Abelleira Fernández.

1.- APROBACIÓN, SE PROCEDE, DA ACTA DA SESIÓN ORDINARIA CELEBRADA O DÍA SETE DE OUTUBRO DE DOUS MIL VINTE E DOUS.

Por parte do Sr. Presidente pregúntase aos Sres. Deputados, membros da Xunta de Goberno, se teñen que formular algunha observación á acta da sesión ordinaria celebrada o día sete de outubro de dous mil vinte e dous que foi distribuída entre os mesmos; e ao non presentarse ningunha emenda, foi aprobada por unanimidade.

2.- PROPOSTA DE APROBACIÓN, SE PROCEDE, DA DENEGACIÓN DA APLICACIÓN DE REMANENTES DERIVADOS DA ACTUACIÓN “FEIRA DE ARTESANÍA DE SAMOS” DO PLAN PROVINCIAL ÚNICO DE COOPERACIÓN COS CONCELLOS DO ANO 2022 PARA SUFRAGAR OS GASTOS DA ACTUACIÓN “FEIRA DA CASTAÑA” 2022.

Visto o escrito do Servizo de Contratación e Fomento, a Xunta de Goberno por unanimidade, acorda deixar o asunto sobre a mesa para mellor estudo e consulta.

3.- PROPOSTA DE APROBACIÓN, SE PROCEDE, DA INCOACIÓN DO PROCEDEMENTO DE RESOLUCIÓN CONTRACTUAL DA OBRA: POBRA DO BROLLÓN.- CONSTRUCCIÓN DE CENTRO RESIDENCIAL DE ATENCIÓN A PERSOAS MAIORES.

Logo de ver a proposta da Presidencia, do seguinte teor:

“Consta como antecedentes inmediatos, ós efectos de emisión do presente, ademais do expediente administrativo os seguintes feitos e documentos:

Con data de 12 de maio de 2022 formalizouse contrato administrativo para a construción dun centro residencial no Concello da Pobra de Brollón coa entidade Sergonsa Servicios S.L.



Asínouse acta de comprobación do replanteo de data 8 de xuño de 2022, sen observacións.

Constan diversos escritos do contratista solicitando a modificación do contrato antes do seu inicio.

Asimesmo, consta no expediente que esta administración ten requirido o inicio das obras sen que conste que se producira o mesmo.

Consta solicitude do contratista de data 21 de setembro de 2021 de suspensión indefinida da execución do contrato para a construción dun centro residencial no Concello da Pobra de Brollón formulada pola adxudicataria.

Consta Informe da xefa do servizo de arquitectura con CSV: IV7A6LTZF55KTXELCV6W4BTD6E, no que conclúe que non procede estimar a solicitude do contratista e se propón a resolución do contrato.

As condicións da adxudicación que derivan da oferta do adxudicatario e que constan no propio documento de formalización son as seguintes:

“Prezo: un millón cincocentos dous mil douscentos setenta euros (1.502.270,00 €), dos cales cento trinta e seis mil cincocentos setenta euros (136.570,00€) corresponden ao IVE (10%), que serán aboados pola Deputación, mediante certificacións de obra executada, unha vez aprobada.

Seguimento a través de imaxes, con cámara grúa, posta a disposición da dirección da obra do software, sistema de cámara exterior e interior e 4 cámaras a maiores no exterior e 6 cámaras a maiores no interior, de acordo co establecido no PCAP.

Elaboración e entrega dun modelo BIM, coas condicións indicadas no PCAP: modelado do entorno, parcela e arquitectura do edificio; modelado das instalacións e da estrutura; relación e medición de materiais para execución do proxecto; actualización continua do modelado e entrega de informe detallado coas incidencias detectadas na elaboración do BIM.

Redución do prazo de execución de 3 meses, e dicir, resultando un prazo de execución de 9 meses.

Incorporación e/ou substitución de equipos e/ou materiais do proxecto por outros de maiores prestacións que melloren os parámetros enerxéticos do edificio, nas condicións indicadas no PCAP, de redución da enerxía primaria non renovable demandada polo edificio nun 25,26% e da redución de emisións (KGCO₂/M²) producidas polo edificio nun 25,38%.”

Polo tanto, vistos os antecedentes, se pon de manifesto tanto a frustración do contrato por causas imputables ó contratista, mediando o incumprimento da súa oferta e de obrigas esenciais, intimamente relacionadas coa execución.

A cláusula 22 do PCAP no seu apartado 2.2 recolle como condición especial con carácter de obriga esencial ós efectos do disposto como causa de resolución no apartado 211.1f o cumprimento da oferta por parte do adxudicatario, o que ten especial relevancia na medida que ditos aspectos da oferta actúan como criterios selectivos, de xeito que a súa inobservancia ou a tolerancia na súa inobservancia desvirtuarían a finalidade da licitación e resultarían contraria ós principios da contratación pública previstos no artigo 1 da LCSP.

Queda evidenciado que non se teñen satisfeito ditas obrigas cando menos no referido no criterio ofertado de sistema de seguimento quedando o prazo comprometido pola absoluta falta de actividade constructiva, obrigadas eficaces unha vez replanteada a obra e en todo caso tras o alzamento da suspensión.

Asimesmo queda acreditado que se teñen respostado as solicitudes do contratista, e se teñen realizado as interpretacións mais favorables no senso de garantir o pleno respecto ó principio de contradición no tanto continúa a actividade obstrutiva do contratista na inexecución dun proxecto ó que libremente licitou e ofertou .

Visto o anterior, e que segundo o informado polo servizo de arquitectura o contratista foi requirido de xeito expreso para o inicio da execución o 20 de setembro esta administración pode considerar que se está a verificar a como vontade deliberada de incumprir o contrato por parte de Sergonsa.

Resultan fundamentos xurídicos:

A lei de contratos do sector público LCSP 9/2017, de 8 de novembro.

O Regulamento xeral da lei de contratos das administracións públicas 1098/2001.

Os pregos de cláusulas administrativos e demais documentos con forza obrigacional incorporados ó expediente.



Considerando o anterior compre realizar as seguintes;

Consideracións xurídicas:

I.- Sobre os antecedentes a natureza xurídica da incidencia contractual que supón o actual estado de inexecución da obra.

Como inicio das consideracións do presente, compre recordar que a execución do contrato non se ten iniciado, e que polo tanto se está a frustrar a finalidade e necesidade do mesmo cuxa satisfacción motivou o inicio do expediente.

Compre indicar igualmente e con carácter xeral que as obrigas das partes na contratación administrativa quedan reflectidas nos pregos, oferta e demais documentación preparatoria que o contratista ten aceptado, e as que se ten sometido dende o primeiro instante da licitación tal e como deriva da aplicación do artigo 139 da LCSP cando sinala que “as proposicións dos interesados deberán axustarse aos pregos e documentación que rexen a licitación, e a súa presentación supón a aceptación incondicionada polo empresario do contido da totalidade das súas cláusulas ou condicións, sen salvidade ou reserva algunha...”

Queda advertido por tanto o carácter vinculante do prego como “*lex contractus*”, cuxa interpretación non resulta dispoñible para o contratista e asimesmo das condicións previstas no proxecto o que ten ofertado sen reservas en plena liberdade para configurar a súa oferta.

Respecto da situación de execución da obra, dos datos obrantes no expediente se deriva a falta de inicio da execución da mesma, aínda que se teñen verificado os aspectos físicos do replanteo, operando a inactividade do contratista como única circunstancia impeditiva do inicio da execución material.

Dacordo co informado pola Xefa do Servizo de Arquitectura, e visto o escrito do contratista de data 21 de setembro de 2022, consta acreditado, cando menos que o contratista non ten procedido o cumprimento das obrigas que derivan da súa oferta en canto o seguimento de

imaxes e asimesmo a vontade de non iniciar a obra, afectando de xeito unilateral o prazo de execución comprometido, o que supón o incumprimento de obrigas contractuais esenciais.

Baste sinalar, que da propia manifestación do contratista se extrae que dita obriga non se ten atendido, e implica a deliberada inobservancia de obrigas esenciais de elementos determinantes do inicio da execución das obras, abondando na conducta omisiva que frustra a finalidade do contrato.

As consecuencias da falta de inicio da execución material do contrato nos termos comprometidos na oferta, e en especial o incumprimento de aspectos avaliábles como criterios de puntuación ofertados voluntariamente polo adxudicatario incluído o prezo, recae na singular responsabilidade sobre a do contratista a pesares de ser requirido de xeito expreso para que proceda o cumprimento das súas obrigas.

A verificación do incumprimento dunha obriga esencial, configura esta como causa de resolución resultando deber desta administración, na tutela do interese xeral ó que serve o contrato, tramitar aquela que primeiro se tivera verificado no tempo, que neste caso é a identificada nos párrafos precedentes.

II.- Sobre as causas de resolución a súa expresa previsión e as súas consecuencias.

Como consecuencia do anterior, e fronte a inobservancia de obrigas esenciais, sinala o prego:

“O incumprimento destas condicións especiais de execución, cualificadas como obrigas contractuais esenciais aos efectos do artigo 211, letra f en cumprimento do art. 202, ambos da LCSP.”

Ditos artigos sinalan:

Art. 211 f “Serán, así mesmo causas de resolución do contrato, o incumprimento das restantes obrigas esenciais sempre que estas últimas fosen cualificadas como tales nos pregos.....”



Art. 202.3 “Os pregos poderán establecer penalidades, conforme ao previsto no apartado 1 do artigo 192, para o caso de incumprimento destas condicións especiais de execución, ou atribuírlles o carácter de obrigas contractuais esenciais aos efectos sinalados na letra f) do artigo 211....”

Apreciase, na opinión deste informante, que por parte do contratista se teñen incumplido as súas obrigas esenciais e polo tanto que as mesmas constitúen en si, e con carácter inicial, causas de resolución do contrato, todo isto sen prexuízo da avaliación das alegacións do contratista e demais interesados con pleno respecto ó principio de contradición, por canto poidan enervar a concorrência de ditos incumprimentos.

A normativa contractual á hora de avaliar a incidencia da resolución contractual, establece una serie de consecuencias en proporción a gravidade que supón que se frustre o contrato como consecuencia dos incumprimentos de quen foi seleccionado con base na súa solvencia e por mor da súa oferta para a execución do contrato, así como consecuencia dos incumprimentos advertidos, no caso que nos ocupa, correspondería os seguintes efectos a aplicar á entidade Sergonsa Servicios S.L.

1. Perda, por incautación, da garantía constituída (prego cláusula 25, art. 110 d, 213.3 da LCSP).

2. Indemnización por danos e perdas no importe que exceda a garantía incautada, entre cuxas partidas se podería ter en conta a diferenza entre o importe da adxudicación, e aquel que finalmente resulte dunha nova adxudicación ó verse obrigada a administración a licitar novamente a execución da dita obra. (prego cláusula 25 , art.) 213.3 da LCSP e art. 113 do RXCAP 1098/2001.

3. Posible declaración de prohibición para contratar, no ámbito territorial e coa extensión temporal en función da gravidade dos incumprimentos e dano o interese público que resulte finalmente acreditado. (art. 19.1 do RXCAP) .

III.- Sobre o procedemento a seguir.

A teor do disposto no art. no artigo 212.1 da 9/2017 e 109 do RCAP 1098/2001 cabe o inicio de oficio de dito expediente baixo os seguintes requisitos:

- a) Audiencia do contratista por prazo de dez días naturais
- b) Audiencia no mesmo prazo, do avalista ou asegurador cando se propoña a incautación da garantía.
- c) Informe do Servicio xurídico, trámite que se esta a cumprimentar co presente requirindo o preceptivo sometemento ó conforme da secretaría municipal, ou emisión por esta do informe que estime procedente, e sen prexuízo da fiscalización pola intervención, cando proceda.
- d) Ditame do Consello Consultivo, cando se formule oposición por parte do contratista.

Tal e como sinala dito precepto, tódolos trámites e informes preceptivos dos expedientes de resolución dos contratos se considerarán de urxencia e gozarán de preferencia para o seu despacho polo órgano correspondente.

IV.- Sobre o órgano competente.

Ó abeiro do disposto no artigo 59, do Regulamento Orgánico Provincial, no seu apartado 12 corresponde a Xunta de Goberno, como órgano de contratación, a adopción do presente acordo.

Respecto do eventual expediente indemnizatorio no que exceda da garantía depositada, corresponderá a competencia a presidencia ó abeiro do dito precepto do regulamento orgánico no seu inciso final.

Considerando os antecedentes, a normativa aplicable e os razoamentos xurídicos expresados no corpo do presente propoño ó órgano de contratación que adopte acordo nos seguintes termos:

1º.- Desestimar a solicitude de modificación do contrato prantexada polo contratista, por terse informado a súa improcedencia, e conseguintemente desestimar a solicitude de suspensión indefinida da execución.



2º.- Desestimar a solicitude de resolución formulada polo contratista con carácter subsidiario no tanto non se funda en ningunha das causas previstas na norma, e asimesmo por terse informado que non concorren as circunstancias invocadas polo contratista.

3º.- Acordar o inicio do procedemento para a resolución do contrato administrativo de obras a construción dun centro residencial no Concello da Pobra de Brollón adxudicado á entidade Sergonsa polas causas expresadas no corpo do presente por concorrer incumprimentos, imputables ó contratista ó abeiro dá documentación obrante no expediente, resultando os mesmos o incumprimento de obrigas esenciais, que o prego configura como causa de resolución contractual.

4º.- Dar trámite de audiencia a Sergonsa, e ao avalista da garantía definitiva prestada, polo prazo de 10 días naturais na medida que se puidese proceder a incautación da garantía depositada.

5º.- Finalizado o expediente de resolución iniciar, no seu caso, a instrución de expediente contradictorio para determinación da indemnización dos danos e prexuízos causados a esta Deputación e asimesmo o que proceda respecto da posible declaración dunha prohibición para contratar de verificarse incumprimentos do prego e actuacións contrarias ao interese xeral imputables ao contratista.

6º.- Notificar ó contratista o acordo que se adopte, con indicación de que contra o acordo de iniciación da resolución contractual e os acordos que de esta se derivan, con carácter de trámite, non cabe a interposición de recurso algún, sen prexuízo de que formule cantas alegacións estime precisas no tramite conferido ó efecto.

Notificar asimesmo, que contra os acordos recollidos nos puntos 1 e 2 deste acordo, que poñen fin á vía administrativa, cabe a interposición potestativa do recurso de reposición, sen prexuízo de que se así o estima oportuno poida proceder á directa impugnación dos mesmos ante a xurisdición contenciosa nos Xulgados de Lugo.

7º.- Dar traslado ó Servizo de Arquitectura, o Servizo de Contratación e Fomento e a Intervención Provincial.”

A Xunta de Goberno, por unanimidade acorda prestar aprobación á proposta presentada e anteriormente transcrita.

4.- PROPOSTA DE APROBACIÓN, SE PROCEDE, DE CONVENIOS E MODIFICACIÓN DE CONVENIOS DE COLABORACIÓN CON DISTINTAS ENTIDADES E CONCELLOS.

Primeiro.- *Convenio interadministrativo de cooperación entre a Deputación Provincial de Lugo e o Concello de Barreiros para cooperar na adquisición de equipamento deportivo para o “Desenvolvemento das actividades deportivas municipais de Barreiros 2022”.*

Logo de ver a proposta do señor Deputado Delegado da Área de Deportes, Artesanía e Deseño e Memoria Histórica, do seguinte teor:

“Para os efectos de aprobación do convenio interadministrativo de cooperación entre a Deputación de Lugo e o Concello de Barreiros para a execución dos fins común de “Desenvolvemento das actividades deportivas municipais de Barreiros 2022”. consta no expediente:

1. Solicitud do Concello de Barreiros con número de expediente no GTM: 2022/PES_03/017734 que inclúe ademais:

a. Memoria explicativa e xustificadora da solicitude de relación interadministrativa de cooperación.

b. Declaracións responsables relativas a non existencia de débedas e ás obrigas a asumir polo Concello de Barreiros.

2. Informe do servizo de Deportes relativo ao referido expediente.

3. Memoria de impacto económico.

4. Borrador de convenio.

Á vista así mesmo, do informe do Servizo de Contratación e Fomento.

E do informe do servizo de Intervención de Fiscalización limitada previa do expediente.



Á vista do exposto, o deputado que subscribe propón que pola Xunta de Goberno, se adopten os seguintes acordos:

1º.- Aprobar o texto do convenio interadministrativo de cooperación a subscribir entre a Deputación Provincial de Lugo e o Concello de Barreiros, para a realización conxunta dunha actividade, na que conflúen os respectivos títulos competenciais, para o fin común de “Desenvolvemento das actividades deportivas municipais de Barreiros 2022”, por importe total de 25.639,24€, dos que 24.357,28€ serán a cargo da Deputación de Lugo e 1.281,96€ a cargo do Concello de Barreiros.

2º.- Aprobar o gasto, en concepto de achega económica, por parte da Deputación, para o financiamento dos fins e actuacións contempladas no convenio, que ascende á contía máxima de 24.357,28€ dos que 3.098,48€ serán con cargo a aplicación orzamentaria 3410.76200 e 21.258,80€ con cargo a aplicación orzamentaria 3410.46200 do vixente Orzamento Xeral da Deputación de Lugo para a anualidade 2022.”

A Xunta de Goberno, por unanimidade acorda prestar aprobación á proposta presentada e anteriormente transcrita.

Segundo.- *Convenio interadministrativo entre a Deputación Provincial de Lugo e o Concello de Foz para “Adquisición de brazo desbrozador”.*

Logo de ver a proposta da señora Deputada Delegada da Área de Medio Rural e do Mar e Mocidade, do seguinte teor:

“Aprobación do texto do convenio interadministrativo de cooperación a subscribir entre a Deputación Provincial de Lugo e o Concello de Foz, para a realización conxunta da actividade, “Adquisición de brazo desbrozador”, para o fin común de mellora dos servizos públicos no rural; e do gasto, por importe de 33.000 €, con cargo á aplicación orzamentaria 4190.76200 do Orzamento Xeral Provincial para o exercicio 2022, a favor do Concello de Foz, en concepto da achega económica comprometida pola Deputación no marco do devandito convenio.

O representante legal do Concello de Foz solicitou, o 26 de setembro de 2022, mediante escrito presentado no Rexistro Electrónico Xeral desta entidade (RE nº 2022RT012713), a subscripción dun convenio interadministrativo de cooperación, para a realización conxunta da actividade, “Adquisición de brazo desbrozador”, para o fin común de mellora dos servizos públicos no rural.

No expediente relativo á dita solicitude constan, ademais dos documentos esixidos por esta entidade para tela en consideración:

Informe da Área de Medio Rural e do Mar, e Mocidade, no que se estima procedente a aprobación do texto do citado convenio e do gasto derivado da súa subscripción.

Memoria xustificativa, emitida polo centro xestor, onde constan os antecedentes e obxectivos perseguidos coa formalización do convenio, e onde se analizan: a súa necesidade e oportunidade, o seu impacto económico, o carácter non contractual e non subvencional da actividade, e o cumprimento do previsto na LRXSP.

Borrador do texto do convenio proposto pola Área de Medio Rural e do Mar, e Mocidade.

Certificación, emitida polo Servizo de Contabilidade e Contas, de existencia de saldo suficiente para a autorización do gasto que a sinatura do convenio supón para a Deputación de Lugo.

Informe favorable da Sección I de Fomento, do Servizo de Contratación, relativo ao texto do convenio proposto pola Área de Medio Rural e do Mar, e Mocidade.

Á vista dos documentos e actuacións precedentes, a Unidade de Intervención manifestou a súa conformidade en informe de fiscalización limitada previa do 4 de outubro de 2022.

Tendo en conta o exposto, propoño que pola Xunta de Goberno se adopte o seguinte acordo:



1º.- Aprobación do texto do convenio interadministrativo de cooperación a subscribir entre a Deputación Provincial de Lugo e o Concello de Foz, para a realización conxunta da actividade, “Adquisición de brazo desbrozador”, para o fin común de mellora dos servizos públicos no rural; por importe total de 33.000 €, que serán a cargo da Deputación Provincial de Lugo.

2º.- Aprobación do gasto, por importe de 33.000 €, con cargo á aplicación orzamentaria 4190.76200 do Orzamento Xeral Provincial para o exercicio 2022.”

A Xunta de Goberno, por unanimidade acorda prestar aprobación á proposta presentada e anteriormente transcrita.

Terceiro.- *Addenda de modificación ao convenio interadministrativo entre a Deputación de Lugo e o Concello de Vilalba para a execución de fins comúns consistentes en: Execución parque acuático en Vilalba, incluído honorarios redacción.*

Logo de ver a proposta da Presidencia do seguinte teor:

“Visto o informe – proposta do Servizo de Contratación e Fomento, relativo á addenda de modificación ao convenio interadministrativo entre a Excm. Deputación Provincial de Lugo e o Concello de Vilalba, coa finalidade común de colaborar na execución de fins comúns consistentes en: Execución parque acuático en Vilalba, incluído honorarios redacción que dispón o seguinte:

“Primeiro.- A Deputación mediante acordo adoptado pola Xunta de Goberno, en sesión celebrada con data 27/08/2021 prestou aprobación ao convenio interadministrativo entre a Excm. Deputación Provincial de Lugo e o Concello de Vilalba coa finalidade común de colaborar para a execución de fins comúns consistentes en: Execución parque acuático en Vilalba, incluído honorarios redacción.

Segundo.- En data 07/09/2021 asinouse o convenio interadministrativo entre a Deputación Provincial de Lugo e o Concello de Vilalba no que entre outros se recollía na cláusula cuarta, apartado xustificación:

“(…)

anualidade de 2021: deberá xustificarse adecuadamente antes do 30/09/2022.

(...)”

Terceiro.- D^a Elba Veleiro Fernández, Alcaldesa do Concello de Vilalba achega a Deputación de Lugo escrito debidamente asinado, con 2022RT013068, de data 05/10/2022, a través do que solicita a modificación do convenio, apliando o prazo para presentar a xustificación da anualidade de 2021 ata 25/11/2022.

Fundamentos de dereito:

Primeiro.- O artigo 111 do Real Decreto Lexislativo 781/86 de 18 de abril, do texto refundido das disposicións legais vixentes en materia de Réxime Local, sinala que “as Entidades Locais poderán concertar os contratos, pactos ou condicións que teñan por conveniente, sempre que non sexan contrarios ao interese público, ó ordenamento xurídico ou ós principios de boa administración, e deberán cumprilos a teor dos mesmos, sen prexuízo das prerrogativas establecidas, no seu caso, a favor de ditas Entidades”.

Segundo.- O artigo 86 da Lei 39/2015, de 1 de outubro, do Procedemento Administrativo Común das Administracións Públicas sinala que “as Administracións Públicas poderán celebrar acordos, pactos, convenios ou contratos con persoas tanto de dereito público como privado, sempre que non sexan contrarios ao ordenamento xurídico (...)”.

Terceiro.- O artigo 47 da Lei 40/2015, de 1 de outubro, do Réxime Xurídico do Sector Público, sinala a definición de convenios, establecendo que “son convenios os acordos con efectos xurídicos adoptados polas Administracións Públicas, os organismos públicos e entidades de dereito público vinculados ou dependentes ou as Universidades públicas entre si ou con suxeitos de dereito privado para un fin común.

Os convenios non poderán ter por obxecto prestacións propias dos contratos. En tal caso, a súa natureza e réxime xurídico axustarase ao previsto na lexislación de contratos do sector público”

(...)

Este mesmo artigo 47 sinala os tipos de convenios, ao establecer “Os convenios que subscriban as Administracións Públicas, os organismos públicos e as entidades de dereito público



vinculados ou dependentes e as universidades públicas, deberán corresponder a algún dos seguintes tipos:

a) Convenios interadministrativos, asinados entre dúas ou mais Administracións públicas, ou ben entre dous ou mais organismos públicos ou entidades de dereito público vinculadas ou dependentes de distintas administracións públicas... (...).”

Cuarto.- En canto aos requisitos de validez e eficacia dos convenios, o artigo 48 da amentada Lei 40/2015, establece “1. As Administracións Públicas poderán subscribir convenios con suxeito de dereito público e privado, sen que elo poida supoñer cesión de titularidade ou competencia; (...); 3. A subscrición de convenios deberá mellorar a eficiencia da xestión pública, facilitar a utilización conxunta de medios e servizos públicos, contribuír a realización de actividades de utilidade pública e cumprir coa lexislación de estabilidade orzamentaria e sostibilidade financeira; (...); 5. Os convenios que inclúan compromisos financeiros deberán ser financeiramente sostibles, debendo quen os subscriban, ter capacidade para financiar os asumidos durante a vixencia do convenio; 6. As aportacións financeiras que se comprometan a facer os asinantes non poderán ser superiores aos gastos derivados da execución do convenio; (...); 8.- Os convenios perfecciónanse pola prestación do consentimento das partes. (...)”

Quinto.- En canto ao contido dos convenios, o artigo 49 de Lei 40/2015, sinala que “deberán incluír, polo menos:

Suxeitos que subscriben o convenio e a capacidade xurídica con que actúa cada unha das partes.

A competencia na que se fundamente a actuación da Administración Pública.

O Obxecto do convenio e actuacións a realizar por cada suxeito para o seu cumprimento, indicando, no seu caso, a titularidade do resultado obtido.

Obrigas e compromisos económicos asumidos por cada unha das partes , se os houbera, indicando a súa distribución temporal por anualidades e a súa imputación concreta ao orzamento, de acordo co previsto na lexislacións orzamentaria.

Consecuencias aplicables no caso de incumprimentos das obrigas e compromisos asumidos por cada unha das partes, e no seu caso os criterios para determinar a posible sanción por incumprimento

Mecanismos de seguimento, vixilancia e control da execución do convenio e dos compromisos adquiridos polos asinantes.

Réxime de modificación do convenio.

Prazo de vixencia do convenio, tendo en conta:

Os convenios deberán ter unha duración determinada, que non poderá ser superior a catro anos, salvo que por norma se prevea un prazo superior.

En calquera momento, antes de finalizar o prazo previsto, os asinantes poderán acordar de forma unánime a súa prórroga por un período de ata catro anos adicionais ou a súa extinción.

(...)”

Polo que se refire ao contido da memoria, debe cumprir co previsto no artigo 50.1 da indicada Lei 40/2015 e na instrución terceira do acordo do Consello de Ministros do 15 de decembro de 2017, que establece as cuestións mínimas, en epígrafes diferenciados, a analizar na memoria xustificativa:

“1. A súa necesidade de subscribir o convenio e a oportunidade de facelo nese momento

2. O seu impacto económico cuantificado.

3. A xustificación da natureza xurídica do convenio e, en particular, do carácter non contractual da actividade en cuestión a que se refire o obxecto do convenio.

4. Xustificación do previsto na Lei 40/2015, do 1 de outubro, en particular, no previsto no artigo 48 da citada Lei”

Sexto.- Aparte das previsións de cooperación das Deputacións cos Concellos, fixadas na lexislación de réxime local, a normativa común sobre o réxime xurídico do sector público alude ás relacións de cooperación administrativa (aplicables neste caso a dúas administracións municipais) como aparello técnico-administrativo (acción colaborativa) manexado na proposta e no convenio analizado, ten cabida nos principios xerais de actuación e funcionamento do sector público, nas súas relacións, establecendo no art. 3.1.k da Lei 40/2015, do 01 de outubro que “as administracións públicas, deberán respectar na súa actuación e relacións os principios de cooperación, colaboración e coordinación entre as Administracións Públicas”.

Ademais resulta coherente cos principios que rexen as relacións interadministrativas tal e como se prevé no artigo 140 da mesma Lei, citando no seu apartado 1.a) “lealdade institucional” e concretando no artigo 141, na súa letra d), que consecuentemente aquelas deberán “Prestar, no ámbito propio, a asistencia activas que as outras administracións puideran recabar para o eficaz



exercicio das súas competencias”. Estas relacións interadministrativas enraízan no título III da citada LRXSP.

Ademais, conforme aos artigos 143 e 144 desta mesma Lei 40/2015, “1. As administracións cooperarán ao servizo do interese xeral podendo acordar de maneira voluntaria a forma de exercer as súas respectivas competencias que mellor sirva a este principio. 2. A Formalización de relacións de cooperación requirirá a aceptación expresa das partes, formulada en acordos dos órganos de cooperación ou en convenios. (...). 2. Nos convenios e acordos nos que se formalice a cooperación preveranse as condicións e compromisos que asumen as partes que os subscriben. 3. Cada Administración pública manterá actualizado un rexistro electrónico dos órganos de cooperación nos que participe e de convenios que subscriba”.

Sétimo.- A lexislación de réxime local tamén é consecuente coa autoorganización a través de relacións de cooperación.

O artigo 30 do RDL 781/1986, de 18 de abril, polo que se aproba o Texto refundido das disposicións legais vixentes en materia de Réxime Local, sinala:

“1.- A Deputación cooperará á efectividade dos servizos municipais, preferentemente dos obrigatorios, aplicando a tal fin: a) medios económicos propios da mesma que se asignen; b) subvencións ou axudas financeiras que conceda o estado ou CCAA; c) (...)

2.- A cooperación poderá ser total ou parcial, segundo aconsellen as circunstancias económicas dos Municipios interesados

3.- Os servizos a que debe alcanzar a cooperación serán, en todo caso, os relacionados como mínimos no artigo 26 da Lei 7/1985, de 2 de abril

(...)

6.- As formas de cooperación serán: (...) h) Subscrición de convenios administrativos; (...)”

A lexislación de réxime local de Galicia, na idea de potenciar a colaboración e cooperación entre as administracións públicas para a satisfacción dos intereses xerais nun sistema multinivel de poder público e por ende con intereses, obxectivos e fins comúns, a Lei 5/2014, do 27 de maio, de medidas urxentes derivadas da entrada en vigor da Lei 27/2013, do 27 de decembro, de racionalización e sostibilidade da administración local, precisa no seu artigo 3.3 que “non se entenderán como o exercicio de novas competencias, (...), f) a colaboración entre administracións entendida como o traballo en común para solventar os problemas comúns que poidan formularse alen do concreto reparto competencial entre os distintos sectores da acción pública de acordo co ar.

193.2 da Lei 5/1997” –LALGA-; precepto este que regula a colaboración entre as administracións públicas autonómicas, e tamén o auxilio administrativo do art. 193.4 da LALGA conceptuado legalmente como o deber que teñen tódalas administracións de prestarlle apoio e asistencia activa as demais para que estas poidan exercer axeitadamente as súas competencias.

O convenio implementa unha acción pública colaborativa, con mecanismos horizontais como unha manifestación da lóxica evolución do Estado prestacional ao Estado relacional, enfocado a desenvolver prestacións á cidadanía, mediante unha actuación adecuada e sumando esforzos administrativos, ben para acadar un resultado ou unha actividade.

Ademais, estas determinacións cadran co previsto na Lei de desenvolvemento sustentable do medio rural (Lei 45/2007, do 13 de decembro), artigos 2, 3, 34 e concordantes sobre obxectivos, definición do medio rural e financiamento polas administracións públicas das medidas de desenvolvemento do medio rural.

Oitavo.- Son fins propios e específicos da Provincia garantir os principios de solidariedade e equilibrio intermunicipais, no marco da política económica e social (art. 31.2 LBRL). De acordo co establecido no artigo 36 LBRL modificado pola LRSAL unha competencia propia da Deputación é “a cooperación no fomento do desenvolvemento económico e social e na planificación no territorio provincial, de acordo coas competencias das demais Administracións Públicas neste ámbito”. No mesmo senso se pronuncia o artigo 109 da Lei de Administracións Local de Galicia, ao sinalar que “é competencia propia da Deputación, en calquera caso, en xeral, o fomento e a administración dos intereses peculiares da provincia”, subliñando que as competencias propias das Deputacións son ademais das atribuídas polas leis do Estado, as asignadas no mesmo concepto polas leis das Comunidades Autónomas (artigo 36.1 LBRL na súa vixente redacción).

Entre as competencias das Deputacións Provinciais, o artigo 36 da citada LBRL sinala: “(...), b) Asistencia e cooperación xurídica, económica e técnica aos Municipios, especialmente os de menor capacidade económica e de xestión; (...), d) A cooperación no fomento do desenvolvemento económico e social e na planificación no territorio provincial, de acordo coas competencias das demais Administracións Públicas neste ámbito. (...)”. En aplicación do artigo 36, letra d) da LBRL “ a Deputación da soporte aos concellos para a tramitación de procedementos administrativos e realización de actividades materiais e de xestión ...”.

Os artigos 114 e 115 da LRALG regulan respectivamente a asistencia económico-financeira e a asistencia técnica aos concellos, aplicables ao fin deste convenio.



Noveno.- A cooperación da Deputación Provincial, cos concellos, atribúese directamente polo ordenamento xurídico como unha competencia propia (cooperación competencial), aínda así a súa formalización require o consentimento da outra parte (o concello) para evitar que por medio da técnica de cooperación se limite a autonomía e o libre exercicio das funcións municipais.

A determinación competencial das Entidades Locais, fixada na lexislación básica estatal, complementase coa lexislación de réxime local autonómica e coa normativa sectorial estatal e autonómica, posto que a STC 41/2016, de 3 marzo, interpreta o artigo 25 da LBRL (reformado pola LRSAL), declarando que as Leis das comunidades autónomas poden atribuír competencias propias aos Concellos ao igual que outras leis estatais sectoriais.

Décimo.- O municipio de Vilalba é unha entidade local básica con personalidade xurídica e plena capacidade para o cumprimento dos seus fins, que no seu labor de procura dunha mellora na calidade de vida dos cidadáns, promove actividades e presta servizos públicos que contribúen a satisfacer as necesidades e aspiracións da comunidade veciñal; exercendo as competencias que lle atribúe como propias o Art. 25 da LBRL, na súa vixente redacción, e nos termos da lexislación do Estado e Autonómica, entre as que enumera ““(a) Urbanismo: planeamento, xestión, execución ...; b) Medio ambiente urbano: parques, xardíns públicos, xestión residuos sólidos urbanos...; c) Abastecemento de auga potable a domicilio ...; d) A infraestrutura viaria e outros equipamentos da súa titularidade; (...); h) Información e promoción da actividade turística de interese e ámbito local; (...); l) Promoción do deporte e instalacións deportivas e de ocupación do tempo libre; (...)”

O artigo 26 da Lei 7/85, de 2 abril, de Bases de réxime local, establece que “os Municipios deberá prestar en todo caso: alumado público, abastecemento domiciliario de auga potable, saneamento, accesos a núcleos de poboación, pavimentación das vías públicas; b) Nos municipios con poboación superior a 5.000 habitantes: parque público, biblioteca pública e tratamento de refugallos”. O apartado 2 deste mesmo artigo 26, sinala: “nos municipios con poboación inferior á 20.000 habitantes será a Deputación Provincial ou entidade equivalente a que coordinará a prestación dos seguintes servizos: a) Recollida e tratamento de residuos; b) Abastecemento de auga potable a domicilio e evacuación e tratamento de augas residuais; c) limpeza viaria; d) acceso aos núcleos de poboación; e) pavimentación de vías urbanas; (...)”

No ámbito turístico cabe acudir a lexislación sectorial nesa materia, concretamente a Lei 7/2011, de 27 de outubro, de turismo de Galicia, que no seu artigo 5 establece as competencias

municipais: “corresponden ao concellos, se prexuízo das competencias establecidas pola lexislación de réxime local, as seguintes atribucións: a) A protección e promoción dos recursos turísticos do seu termo municipal; (...)”.

O artigo 7 da Lei 3/2012, do 2 de abril, do deporte de Galicia, establece as competencias deportivas das Deputacións Provinciais, entre elas: “(...) Fomentar, promover e difundir o deporte; asistir aos municipios e colaborar con eles, sobre todo cos de menor capacidade; calquera outra actuación que redunde en beneficio do desenvolvemento deportivo local, comarcal ou provincial” e o artigo 8 as competencias dos concellos en materia deportiva, “(...) construír, xestionar, ampliar e manter as instalacións deportivas de titularidade municipal, e no seu caso a xestión e mantemento das de titularidade autonómica ...”

Décimo primeiro.- O Concello de Vilalba, segundo o establecido no convenio, prevese que sexa o órgano de contratación; na licitación do contrato ou contratos e na súa execución, deberá respectarse polo mesmo a lexislación contractual e sectorial de aplicación , segundo as esixencias propias da súa natureza consonte as esixencias legais para cada investimento, sendo responsabilidade dese Concello tanto a obtención de autorizacións e licencias como o cumprimento dos condicionantes técnicos e legais para a execución do investimento e das actuacións sinaladas; así como a dispoñibilidade dos terreos necesarios para a execución das obras, recepción, conservación e mantemento e posta en funcionamento, tal e como se especifica no convenio interadministrativo obxecto deste informe. Naturalmente cabe a execución directa das prestacións polo propio Concello, a través de medios propios non personificados, de acordo co previsto no artigo 30 da LCSP.

Décimo segundo.- Sinalar que o convenio interadministrativo se configura como unha relación xurídica bilateral voluntaria, na que concorren competencias e fins comúns a todas as entidades, tanto pola causa, como polos fins e mesmo o seu ámbito, entendendo que a colaboración horizontal inter-administrativa contribúe eficazmente á satisfacción dun fin público compartido, colaboración admitida tanto pola lexislación do réxime local estatal e autonómico, como polo artigo 12.4 da Directiva 2014/24, UE, do Parlamento Europeo, segundo se recolle na guía de colaboración pública horizontal (público – público), da lexislación xurídica xeral da Xunta de Galicia.



A potestade de auto organización e este sistema de cooperación horizontal desenvólvese mais polo miúdo na Lei 9/2017, do 8 de novembro, de contratos do sector público e incorporación das directivas, en tanto que ambas administracións participantes actúan coa finalidade de garantir os servizos públicos que lles incumben.

A subscrición desta modificación do convenio mellora a eficiencia na xestión pública, contribúe á utilización conxunta de medios e servizos públicos, etc., e ademais encádrase no deber de colaboración e asistencia e cooperación xurídica, económica e técnica aos concellos sinalada no artigo 36 da Lei 7/85, de Bases de réxime local.

O Concello de Vilalba, unha vez entregada a obra, será titular e responsable da posta en uso e mantemento do resultado da cooperación como previsión a incorporar ao convenio interadministrativo de acordo co previsto no artigo 49 da LRXSP.

Décimo terceiro.- A presente modificación ao convenio, non lle é de aplicación a Lei de Contratos do Sector Público á vista do disposto no artigo 6 da Lei 9/2017, de 8 de novembro, de contratos do Sector Público, pola que se traspoñen ao ordenamento xurídico español as Directivas do Parlamento e do Consello 2014/23/UE e 2014/24/UE, de 26 de febreiro de 2014, que sinala que “quedan excluídos do ámbito da presente Lei os convenios, cuxo contido non estea comprendido no dos contratos regulados nesta Lei ou en normas administrativas especiais celebradas entre si pola Administración Xeral do Estado, (...), entidades locais, (...)”.

Nestes supostos de colaboración entre administracións públicas, con contraprestacións entre os beneficiarios ou que as administracións que os subscriben ostentan competencias compartidas de execución (ademais de actuar “*conveniendi causa*”), non é de aplicación a lexislación xeral de subvencións.

Décimo cuarto.- Sobre a modificación interesada, o artigo 49 da lei 40/2015, de 01 de outubro, de Réxime Xurídico do Sector Público, xa que se refire ao contido dos convenios e no seu apartado 2 establece que “en cualquier momento antes de la finalización del plazo previsto para la vigencia del convenio, los firmantes podrán acordar unánimamente su prórroga por un período de hasta cuatro años adicionales o su extinción”.

Xa que logo, a cláusula quinta do dito convenio precisa que a súa vixencia comezará no momento da súa sinatura, e en todo caso a súa vixencia concluirá no momento en que por parte da

Deputación se proceda á aprobación e pagamento da conta xustificativa, data na que, salvo prórroga previamente acordada, se extinguirá o convenio por vencemento do prazo.

En consecuencia o convenio neste momento está vixente, e as partes poden modificar, mediando acordo de vontade, algunha das súas determinacións; neste senso o artigo 49 letra g) da Lei 40/2015, prevé que os convenios entre administracións estipulen o réxime de modificación, se non existe regulación, requírese o acordo unánime dos asinantes. Neste caso prevese na cláusula sexta do convenio a modificación.

Vixente o convenio, este pode ser modificado polas partes, cos límites relatados de concorrencia de razóns de interese público e/ou semellantes motivadores da concesión e sen danar ou prexudicar a terceiros.

Media vontade das dúas partes para a modificación do convenio, de xeito que a data límite para xustificar a anualidade de 2021 quede fixada no 25/11/2022.

Décimo Quinto.- En canto ao órgano competente, sinalar que segundo o artigo 59, apartado 18 do Regulamento Orgánico da Deputación Provincial de Lugo, publicado no BOP nº 202 de data 03 de setembro de 2020, en relación co artigo 54.41 do mesmo regulamento, resulta a Xunta de Goberno, atendendo ao importe económico do convenio.

Así pois a proposta de modificación do convenio é axustada á regulamentación específica que se contempla nos artigos referidos, polo que se informa favorablemente.

É todo canto procede informar, con sometemento a calquera outro criterio mellor fundado”.

Por todo o exposto proponse a Xunta de Goberno:

Que se aprobe a addenda de modificación ao convenio interadministrativo entre a Excm. Deputación Provincial de Lugo e o Concello de Vilalba coa finalidade común de colaborar na execución de fins comúns consistentes en: Execución parque acuático en Vilalba, incluído honorarios redacción de tal xeito que a data límite para presentar a xustificación relativa á anualidade de 2021 quede fixada no 25/11/2022.”

A Xunta de Goberno, por unanimidade acorda prestar aprobación á proposta presentada e anteriormente transcrita.



5.- PROPOSTA DE ACEPTACIÓN DE RENUNCIA DO EXPEDIENTE SUBDOT-2021/001 DE SUBVENCIÓN OUTORGADA DENTRO DO PROGRAMA PARA A DOTACIÓN E MELLORA DE SERVIZOS COMUNITARIOS, PARA O ANO 2021.

Logo de ver a proposta do Sr. Deputado Delegado da Área de Cooperación e Asistencia aos Concellos, do seguinte teor:

“Primeiro.- Con data 15 de xullo de 2022 a Xunta de Goberno, con base na proposta da Comisión de Valoración, acordou aprobar a proposta de resolución definitiva da concesión das subvencións, na cal se inclúe a solicitude tramitada co número de expediente SUBDOT-2021/001, correspondente á Asociación de veciños de Vían (A Pastoriza), destinada ás obras de “Adquisición de equipamento para Local Social”, concedéndolle unha subvención por importe de 1.744,20 €, incluída no Programa para a dotación e mellora de servizos comunitarios, ano 2021.

Segundo.- don Julio Alvite García (A Pastoriza), en representación da Asociación de veciños de Vían, presenta escrito con data de rexistro de entrada 3 de outubro de 2022, solicitando a renuncia á subvención SUBDOT-2021/001.

Polo anteriormente exposto, propónse á Xunta de Goberno a adopción do seguinte acordo.

Acceder á petición formulada por don Julio Alvite García (A Pastoriza), en representación da Asociación de veciños de Vían, e aceptar a renuncia da subvención outorgada pola Xunta de Goberno con data 15 de xullo de 2022, tramitada co número de expediente SUBDOT-2021/001, para a Dotación e mellora de servizos comunitarios, por importe de 1.744,20 €.”

A Xunta de Goberno, por unanimidade acorda prestar aprobación á proposta presentada e anteriormente transcrita.

6.- PROPOSTA DE APROBACIÓN, SE PROCEDE, DAS BASES QUE REXERÁN A CONVOCATORIA PARA ADXUDICACIÓN DE BOLSAS DE ESTUDOS

**PARA OS EMPREGADOS PÚBLICOS DA DEPUTACIÓN PROVINCIAL DE LUGO,
CORRESPONDENTES AO CURSO ACADÉMICO 2021/2022.**

Logo de ver a proposta da Sra. Deputada Delegada da Área de Réxime Interior, Promoción do Territorio e Turismo, do seguinte teor:

“Examinadas as Bases polas que se rexerá a convocatoria para a adxudicación das Bolsas de Estudos para os empregados públicos da Deputación Provincial de Lugo, correspondentes ao curso académico 2021-2022, de conformidade co artigo 56 do Convenio Colectivo Único de condicións de traballo do persoal laboral e o artigo 53 do Acordo Marco Único de condicións de traballo do persoal funcionario da entidade provincial, publicados, respectivamente, no Boletín Oficial da provincia en data 30 de agosto de 1990 e 31 de xaneiro do 1991; constatado que as ditas bases recollen os acordos adoptados, de xeito unánime, en materia de progresividade das axudas en función das retribucións ordinarias anuais dos empregados, coa representación dos órganos unitarios do persoal funcionario e laboral (Xunta de Persoal e Comité de Empresa) e das organizacións sindicais UGT, CCOO, CSI-F e CIG, na Comisión do Fondo Social, en reunión celebrada o 18 de setembro do 2015; propónse a aprobación das devanditas bases así como a súa publicación no Boletín Oficial da Provincia.

Non obstante, a Xunta de Goberno acordará o que considere máis oportuno.”

A Xunta de Goberno, por unanimidade acorda prestar aprobación á proposta presentada e anteriormente transcrita.

**7.- PROPOSTA DE APROBACIÓN, SE PROCEDE, DAS BASES QUE
REXERÁN A CONVOCATORIA PARA ADXUDICACIÓN DE AXUDAS DE GARDERÍAS
PARA FILLOS/AS E ORFOS/AS DOS EMPREGADOS PÚBLICOS DA DEPUTACIÓN
PROVINCIAL DE LUGO, CORRESPONDENTES AO PERÍODO COMPRENDIDO
ENTRE O 1 DE SETEMBRO DO 2021 E O 31 DE AGOSTO DO 2022.**

Logo de ver a proposta da Sra. Deputada Delegada da Área de Réxime Interior, Promoción do Territorio e Turismo, do seguinte teor:



“Examinadas as Bases polas que se rexerá a convocatoria para a adxudicación das axudas de Garderías para fillos/as e orfos/as dos empregados públicos da Deputación Provincial de Lugo, correspondentes ao período de 1 de setembro de 2021 ao 31 de agosto de 2022, de conformidade co artigo 59 do Convenio Colectivo Único de condicións de traballo do persoal laboral e o artigo 56 do Acordo Marco Único de condicións de traballo do persoal funcionario da entidade provincial, publicados, respectivamente, no Boletín Oficial da provincia en data 30 de agosto de 1990 e 31 de xaneiro do 1991; constatado que as ditas bases recollen os acordos adoptados, de xeito unánime, en materia de progresividade das axudas en función das retribucións ordinarias anuais dos empregados, coa representación dos órganos unitarios do persoal funcionario e laboral (Xunta de Persoal e Comité de Empresa) e das organizacións sindicais UGT, CCOO, CSI-F e CIG, na Comisión do Fondo Social, en reunión celebrada o 18 de setembro do 2015; propónse a aprobación das devanditas bases así como a súa publicación no Boletín Oficial da Provincia.

Non obstante, a Xunta de Goberno acordará o que considere máis oportuno.”

A Xunta de Goberno, por unanimidade acorda prestar aprobación á proposta presentada e anteriormente transcrita.

8.- PROPOSTA DE APROBACIÓN, SE PROCEDE, DAS BASES QUE REXERÁN A CONVOCATORIA PARA ADXUDICACIÓN DE AXUDAS PARA ADQUISICIÓN OU REHABILITACIÓN DE VIVENDA HABITUAL PARA OS EMPREGADOS PÚBLICOS DA DEPUTACIÓN PROVINCIAL DE LUGO, CORRESPONDENTES AO ANO 2021.

Logo de ver a proposta da Sra. Deputada Delegada da Área de Réxime Interior, Promoción do Territorio e Turismo, do seguinte teor:

“Examinadas as Bases polas que se rexerá a convocatoria para a adxudicación das axudas para adquisición ou rehabilitación de vivenda habitual para os empregados públicos da Deputación Provincial de Lugo, correspondentes ao ano 2021, de conformidade co artigo 58 do Convenio Colectivo Único de condicións de traballo do persoal laboral e o artigo 55 do Acordo Marco Único

de condicións de traballo do persoal funcionario da entidade provincial, publicados, respectivamente, no Boletín Oficial da provincia en data 30 de agosto de 1990 e 31 de xaneiro do 1991; constatado que as ditas bases recollen os acordos adoptados, de xeito unánime, en materia de progresividade das axudas en función das retribucións ordinarias anuais dos empregados, coa representación dos órganos unitarios do persoal funcionario e laboral (Xunta de Persoal e Comité de Empresa) e das organizacións sindicais UGT, CCOO, CSI-F e CIG, na Comisión do Fondo Social, en reunión celebrada o 18 de setembro do 2015; propónse a aprobación das devanditas bases así como a súa publicación no Boletín Oficial da Provincia.

Non obstante, a Xunta de Goberno acordará o que considere máis oportuno.”

A Xunta de Goberno, por unanimidade acorda prestar aprobación á proposta presentada e anteriormente transcrita.

9.- COMUNICACIÓNS DA PRESIDENCIA.

Non se presentan.

A S U N T O D E U R X E N C I A

Fóra da Orde do Día, e previa declaración de urxencia acordada por unanimidade, adoptouse o seguinte acordo:

Proposta de acordo relativo á solicitude presentada por unha entidade para a participación no programa Coñece a túa provincia (anualidade 2022).

Logo de ver a proposta da Sra. Deputada Delegada da Área de Réxime Interior, Promoción do Territorio e Turismo, do seguinte teor:

“Visto o acordo de 30 de decembro de 2021 polo que se aproban as bases reguladoras e a convocatoria do programa Coñece a túa provincia (anualidade 2022).



Visto o acordo de Xunta de Goberno de data 11 de febreiro de 2022 polo que se aprobou a listaxe de entidades para a participación no programa Coñece a túa provincia (anualidade 2022).

Visto o escrito presentado en data 13 de outubro de 2022 por Dona Eva Sangil Rubio en representación da Asociación de Mulleres Rurais As Bulidoiras con NIF G27113406 no que solicita a ampliación do número de prazas sinalado na instancia de participación no programa presentada con data 18 de xaneiro de 2022 (Expediente 2022/CTP_02/000036), pasando de 15 a 19 prazas.

Vista a existencia de prazas vacantes no programa Coñece a túa provincia.

Visto o informe do Servizo de Turismo no que se xustifica a urxencia do acordo ao ter asignada a entidade unha excursión para o venres 21 de outubro.

A Deputada- Delegada que subscribe propón que pola Xunta de Goberno se adopte o seguinte acordo:

Estimar a solicitude presentada pola Asociación de Mulleres Rurais As Bulidoiras, con NIF G27113406, concedéndolle un máximo de 19 prazas para participar no Programa Coñece a túa provincia 2022.”

A Xunta de Goberno, por unanimidade acorda prestar aprobación á proposta presentada e anteriormente transcrita.

10.- ROGOS E PREGUNTAS REGULAMENTARIAMENTE FORMULADOS.

Non se formulan.

E non habendo máis asuntos de que tratar, o Presidente levanta a sesión, sendo as once horas e vinte minutos do día de referencia, de todo o cal eu, o Secretario, certifico.